

# HANYO ISA ALMASIH SAJO NAN MANYALAMAIKKAN

Inyo ka malayiekan surang anak laki-laki, nan musti angkau agiah namo Anak tu, Isa Almasih, dek karano Baliaulah nan ka manyalamaikkan umaik-Nyo dari doso-dosonyo. Matius 1:21

Dek karano Allah sangaik mangasiahi dunia ko, sainggo Baliau mambarikan Anak-Nyo nan tunggal, supayo satiyok urang nan picayo kabake Baliau, jan binaso, tapi mandapek iduik sajati nan kaka. Yahya 3:16

Isa Almasih manjawab, Ambolah jalan, Ambolah kabanaran, sarato jo iduik nan sajati. Indak surang juwo doh urang nan dapek payi kabake Bapak, jikok indak malalui Ambo. Yahya 14:6

Dek karano, di bawah bumi ko, indak ado doh namo lain nan dibarikan dek Allah kabake manusia, untuak manyalamaikkan kito. Kisah Para Rasul 4:12

Nan partamu-tamu ambo sampaikan kabake angku-angku, apo nan lah ambo tarimo pulo, baraso Isa Almasih mati untuak doso-doso kito, bakcando nan lah tatulih di Alkitab. Baliau lah dikubuakan, tapi di ari nan katigo Baliau di iduikkan baliak, bakcando nan lah tatulih di Alkitab: 1 Korintus 15:3-4

Dek karano, malalui kamatian Isa Almasih, kito lah dimardekakan dek Allah, sarato jo doso-doso kito lah di ampuni. Efesus 1:7



And the gospel must first be published  
among all nations. MARK 13:10



Ado ampek kabanaran nan harus kito pahami sapanuahnyo:

1. Allah sangaik mangasiahi awak.

Inyo niyo supayo angku-angku mandapek iduik sajati nan kaka di sarugo basamo-samo jo Baliau.

Dek karano Allah sangaik mangasiahi dunia ko, sainggo Baliau mambarikan Anak-Nyo nan tungga, supayo satiyok urang nan picayo kabake Baliau, jan binaso, tapi mandapek iduik sajati nan kaka.

Yahya 3:16

Inyo ingin awak punyo iduik nan malimpah dan bamakno basamo-samo jo Baliau.

Maliang datang untuak mancilok, untuak mambunuah, sarato untuak mambinasokan. Ambo datang supayo urang-urang tu mandapek iduik nan malimpah-limpah. Yahya 10:10

Walaupun baitu, banyak urang nan indak mangalami kahidupan nan bararti dan indak yakin apokah inyo punyo kahidupan nan kaka karano...

2. Manusia ko badoso sacaro alamiah. Itulah sababnyo inyo tapisah dari Allah.

Kasadonyo lah badoso.

Kasadonyo urang lah badoso, sainggo indak dapek doh mandakek-i Allah nan mulie. Roma 3:23

Dek karano, cinto ka pitih adolah urek sagalo kajahatan...

1 Timotius 6:10

Upah doso adolah mauik.

Dek karano upah doso adolah mati... Roma 6:23

Alkitab manyatokan duo jinih kamatian:

- Kamatian fisik .

Dek karano, manusia lah ditantukan untuak mati sakali sajo, sudah tu inyo ka di ukun. Hebrews 9:12

- Mati rohani atau tapisah abadi jo Tuhan di narako .

Tapi, urang-urang nan takuik, urang-urang nan indak picayo, urang-urang nan mangarajokan karajo-karajo nan jijik, urang-urang nan mambunuah, urang-urang nan bajina, urang-urang nan tukang sihie, urang-urang nan manyambah barhalo, sarato jo kasadonyo urang nan baduto, kasadonyo urang tu ka mandapek bagiannyo di danau api jo balerang. Wahyu 21:8



Kalau manusia ko tapisah dari Tuhan dek karano dosonyo, baa solusi masalah ko? Kito acok bapikia bahaso solusinyo adolah: agamo, karajo baiak, jo budi baiak. Tapi solusi dari Tuhan hanyo ciek.

3. Isa Almasihlah satu-satunyo jalan manuju sarugo.

Iko adolah pernyataan Allah.

Isa Almasih manjawab, Ambolah jalan, Ambolah kabanaran, sarato jo iduik nan sajati. Indak surang juwo doh urang nan dapek datang kabake Allah Bapak, jikok indak malalui Ambo.

Yahya 14:6

Baliau mambayia ukunan panuah untuak doso-doso kito.

Dek karano, Isa Almasih lah mati sakali sajo, dek karano di doso-doso urang-urang tu. 1 Petrus 3:18

Dek karano, malalui kamatian Isa Almasih, kito lah dimardekakan dek Allah, sarato jo doso-doso kito lah di ampuni. Efesus 1:7

Baliau punyo janji iduik sajati nan kaka.

Urang nan layi picayo kabake Anak tu, ka mandapek iduik sajati nan kaka. Urang nan indak picayo kabake Anak tu, inyo indak ka mandapek iduik sajati nan kaka. Tapi bangih Allah tatap tatap ado kabake urang tu. Yahya 3:36

Dek karano, upah doso adolah mauik; Tapi, pambarian Allah adolah iduik sajati nan kaka, basatu jo Isa Almasih Tuhan kito.

Roma 6:23

4. Kito paralu picayo kapado Isa Almasih untuak dapek salamaik.

Kasalamatan kito adolah dek karano rahmaik Allah malalui iman kapado Isa Almasih.

Dek karano, dek karano rahmaik Allah, mangko angku-angku disalamaikkan. itu adolah pambarian Allah. Efesus 2:8-9

Dek karano, satiyok urang nan basaru kabake Tuhan, ka salamaik. Roma 10:13



Doa urang badoso

Badowalah bakcando iko jo iman.

Tuhan Isa, tarimo kasih banyak ateh kasiah ambo. Ambo mangaku ambo ko urang badoso dan ambo mintak ampun. Tarimo kasih ateh kamatian Angku di kayu salib, pangubuaran, jo kabangkitan untuak mambayia sagalo doso ambo. Ambo picayo kapado Angku sabagai Tuhan jo Juru Selamat ambo. Ambo tarimo karunia hiduik nan kaka dari Angku dan ambo sarahkan hiduik ambo kapado Angku. Tolonglah ambo untuak mamatuahi sagalo parentah Angkau, sarato manjadi urang nan manyanangkan ati Angkau. Amin.

Jikok angku-angku lah picayo kabake Isa Almasih, mako, mako angku-angku lah tajadi sasuat nan barikuik ko.

- Kini, awak punyo iduik sajati nan kaka basamo-samo jo Allah. Ikolah kahandak Baliau nan ma utuih Ambo, supayo satiyok urang nan maliyek Anak, sarato nan picayo kabake Baliau, mandapek iduik sajati nan kaka. Yahya 6:40

- Sagalo doso awak alah dibayia dan diampuni. (maso lalu, maso kini, maso datang)

Tapi, Isa Almasih hanyo mampasambahkan ciyek karoban untuak salamo-lamonyo. Ibrani 10:12

- Angku-angku adolah ciptaan baru di adok-an Allah. Iko awal dari hiduik baru awak.

Urang nan lah basatu jo Isa Almasih, mako inyo lah manjadi manusia baru. liyeklah, sagalo sasuat lah manjadi baru. 2 Korintus 5:17

- Angku manjadi anak Allah.

Tapi, kasadonyo urang nan manarimo Baliau, sarato nan picayo kabake Baliau, dibari Baliau kuwaso untuak manjadi anak-anak Allah. John 1:12

Karajo baiak bukanlah jalan untuak kito salamaik, tapi bukti atau buah dari kasalamatan kito.

Dek karano, kito adolah buatan Allah, sarato basatu jo Isa Almasih, Allah manjadikan kito untuak mangarajokan karajo-karajo nan baiak, nan lah disadiyokan sajak dulu untuak kito mangarajokan karajo-karajo nan baiak. Efesus 2:10

Tuham mamberkati!